

## **К ОПУБЛИКОВАНИЮ**

### **КОМИ РЕСПУБЛИКАСА ЮРАЛЫСЬЛӨН ИНДӨД**

**Россия Федерацияса гражданаӧс, кодъяс кырымалісны Россия Федерацияса Вооружённой Выньясӧ мобилизация серти военной служба вылӧ босьтӧмкӧд йитӧдын военной служба прӧйдитӧм йылысь контракт, да налӧн семьясӧ пырысьясӧс индӧм контрактлысь вынсӧ дугӧдтӧдз сэк, кор найӧ эз ас кадӧ да (либӧ) эз тырвыйӧ вештыны олан жырйысь да коммунальной услугаясысь мынтӧмсӧ, уна патераа керкаын ӧтувья эмбур капиталнӧя дзоньталӧм вылӧ взноссӧ, Россия Федерацияса оланін оланпастэчасӧн урчитӧм пеняяс индӧмысь мездан пӧрадок вынсьӧдӧм йылысь**

«Россия Федерацияса торья оланпастэчас актъясӧ вежсьӧмьяс пыртӧм йылысь» 2022 во рака тӧлысь 14 лунся 58-ФЗ №-а Федеральной оланпаслӧн 9<sup>1</sup> статья серти шуа:

1. Вынсьӧдны Россия Федерацияса гражданаӧс, кодъяс кырымалісны Россия Федерацияса Вооружённой Выньясӧ мобилизация серти военной служба вылӧ босьтӧмкӧд йитӧдын военной служба прӧйдитӧм йылысь контракт, да налӧн семьясӧ пырысьясӧс индӧм контрактлысь вынсӧ дугӧдтӧдз сэк, кор найӧ эз ас кадӧ да (либӧ) эз тырвыйӧ вештыны олан жырйысь да коммунальной услугаясысь мынтӧмсӧ, уна патераа керкаын ӧтувья эмбур капиталнӧя дзоньталӧм вылӧ взноссӧ, Россия Федерацияса оланін оланпастэчасӧн урчитӧм пеняяс индӧмысь мездан пӧрадок содтӧд серти.

2. Тайӧ Индӧдыс вынсялӧ сійӧс официальнойнӧя йӧзӧдан лунсянь, да паськалӧ 2022 вося йирым тӧлысь 7 лунсянь артмӧм инӧда йитӧдьяс вылӧ.

Коми Республикаса Юралысь

В. Уйба

Сыктывкар

2023 вося сора тӧлысь 5 лун

70 №

ВЫНСЬӨДӨМА  
Коми Республикаса Юралысьлөн  
2023 во сора төлысь 5 лунся 70 №-а Индөдөн  
(содтөд)

Россия Федерацияса гражданаос, кодьяс кырымалісны Россия Федерацияса Вооружённой Вынъясө мобилизация серти военной служба вылө босьтөмкөд йитөдын военной служба прöйдитөм йылысь контракт, да налөн семьясө пырысьясөс индөм контрактлысь вынсө дугөдтөдз сэк, кор найö эз ас кадö да (либö) эз тырвыйö вештыны олан жырйысь да коммунальной услугаясысь мынтөмсö, уна патераа керкаын öтувья эмбур капиталнöя дзоньталөм вылө взноссö, Россия Федерацияса оланін оланпастэчасөн урчитөм пеняяс индöмысь мездан

### ПÖРАДОК

1. Тайö Пöрадокыс урчитö Россия Федерацияса гражданаос, кодьяс кырымалісны Россия Федерацияса Вооружённой Вынъясө мобилизация серти военной служба вылө босьтөмкөд йитөдын военной служба прöйдитөм йылысь контракт (водзö лöсялөмөн – контракт, мобилизуйтөм гражданин), да налөн семьясө пырысьясөс индөм контрактлысь вынсө дугөдтөдз сэк, кор найö эз ас кадö да (либö) эз тырвыйö вештыны олан жырйысь да коммунальной услугаясысь мынтөмсö (водзö – оланін да коммунальной услугаясысь мынтөм), уна патераа керкаын öтувья эмбур капиталнöя дзоньталөм вылө взноссö, Россия Федерацияса оланін оланпастэчасөн урчитөм пеняяс индöмысь мездан пöрадок да условиеяс (водзö лöсялөмөн – капиталнöя дзоньталөм вылө взнос, пеняяс индөм).

2. Тайö Пöрадокын вöдитчан терминьясөн да кыввежöртасьясөн вöдитчöны Россия Федерацияса оланін кодексөн урчитөм вежöртасьясын.

3. Пеняяс индöмысь мездөм вылө инöдыс эм мобилизуйтөм гражданинлөн, коді лоö олан жыр кутысьөн либö социальнöя медалан сёрнитчөм серти олан жыр медалысьөн, а сіджö сылөн семьяö пырысьяс, кодьяс öтлаын олöны мобилизуйтөм гражданинкөд (водзö – Шыödчысьяс) контракт кырымалан лунсянь.

4. Мобилизуйтөм гражданинлөн семьяö пырысьясөн лоöны йöз, кодьясöс индöма «Военнослужащöйяслөн статус йылысь» Федеральнöй оланпаслөн 2 статьяса 5 пунктын военнослужащöйлөн семьяö пырысьяс пыдди.

5. Пеняяс индöмысь мездмöны Коми Республика мутасын пыр олысь Шыödчысьяс, кодьяслөн Россия Федерацияса оланін кодекслөн 153 статьяса 2 юкөн серти эм оланін да коммунальной услугаясысь мынтөмсö, капиталнöя дзоньталөм вылө взноссö вештөм серти кывкутана мог контрактлөн вына кадколаст вылө.

6. Пеняяс индöмысь мездысьөм могысь Шыödчысьяс шыödчöны татшөм организацияс да йöз дорö (водзö – олөмö пöртысьяс):

а) олан жырөн вöдитчöмысь мынтөмсö (медалöмысь мынтөм), олан

жыр кутöмысь мынтöмсö абу тырвыйö вештöмысь:

социальнöя медалан сёрнитчöм серти социальнöя вöдитчан Коми Республикаса канму оланін фондлысь олан жыръяс кутысь (медалöмö сетысь) дорö – Коми Республикаса эмбур да му йитöдъяс комитет;

социальнöя медалан сёрнитчöм серти социальнöя вöдитчан муниципальнöй оланін фондлысь олан жыръяс кутысь (медалöмö сетысь) дорö – меставывса асвеськöдлан органъяс;

юридическöй кывкутысь дорö котыртан-инöда форма вылö видзöдтöг либö ашöр уджалысь дорö, кодi лицензия подув вылын збыльмöдö уна патераа керкаөн веськöдлöм серти ашöр удж, - оланін кутысьяслөн товариществоö, оланін кооперативö либö мукöд специализируйтöм потребительскöй кооперативö, кодъяс веськöдлöны уна патераа керкаөн уна патераа керкаөн веськöдлан сёрнитчöм серти либö оланін кутысьяслөн товариществоса, оланін кооперативса либö мукöд специализируйтöм потребительскöй кооперативса подувпуктас серти;

б) коммунальнöй услугаысысь мынтöмсö абу тырвыйö вештöмысь, кытчö пырöны кöдзыд ваысь, пöсь ваысь, электричество энергияысь, шоньд энергияысь, биаруысь, баллонъясын бытöвöй биаруысь, пачөн ломтысигөн чорыд ломтасысь мынтöм, ортсö лэдзан ва бокö нуöдöмысь мынтöм, чорыд коммунальнöй шыбласьясөн вöдитчöмысь мынтöм – оланін серти ресурсөн могмöдан организациясö, чорыд коммунальнöй шыбласьясөн вöдитчöм серти дiнму оператор дорö («Войвывса дiнму оператор» ИКК);

в) капиталнöя дзоньталöм вылö взнос серти мынтöмсö абу тырвыйö вештöмысь - «Коми Республикаын уна патераа керкаяс капиталнöя дзоньталан дiнму фонд» Коми Республикаса абу коммерцескöй организацияö либö торъя тшöт кутысь дорö уна патераа керкаын öтувъя эмбур капиталнöя дзоньталан фонд лöсьöданног тöд вылö босьтöмөн;

г) мукöд юридическöй кывкутысь либö ашöр уджалысь дорö, кодъяслы Россия Федерацияса оланін кодекс серти вештöны олан жырйысь да коммунальнöй услугаысысь мынтöмсö (мынтысьöм босьтысь агентъяс, рöштшöт вöчан шöриньяс).

7. Пеняяс индöмысь мездöм могысь Шыödчысыяс либö найöс уполномочитöм петкöдлысыяс сетöны олöмö пöртысьлы татшöм документъяс;

а) заявление, кутшöмöс лöсьöдöма ас кöсйöм формаын, мобилизуйтöм гражданинöс либö мобилизуйтöм гражданинлөн семьяö пырысьöс пеняяс индöмысь мездöм вылö (водзö – шыödчöм);

б) документъяс, кутшöмъяс эскöдöны шыödчысьён олан жыр кыин кутан да сыөн вöдитчан инöда подувьяссö;

в) документъяс пиысь öти, мый эскöдö Россия Федерацияса Вооружённöй Вынъясö мобилизация серти военнöй служба вылö гражданинöс босьтöмсö:

документ, мый эскöдö контракт кырымалöмсö, кöни эмöсь Россия Федерацияса Вооружённöй Вынъясö мобилизация серти военнöй служба

вылө босътан кадпас йылысь тӧдмӧгъяс;

контракт либӧ Россия Федерацияса оборона министерстволӧн уполномочитӧм мортӧн эскӧдӧм контракт копия;

мукӧд документ, мый эскӧдӧ Россия Федерацияса Вооружённой Выньясӧ мобилизация серти военной служба вылӧ гражданинӧс босътӧмсӧ;

г) урчитӧм формаа документъяс, кутшӧмъяс эскӧдӧны мобилизуйтӧм гражданинлӧн семьяӧ пырысьлысь статуссӧ (сэж, кор шыӧдчӧмсӧ сетӧс мобилизуйтӧм гражданинлӧн семьяӧ пырысь), кутшӧмъяс лыдӧ пырӧны Россия Федерацияса гражданинлӧн паспорт, гражданагысь оланног пасъян актъяс, кутшӧмъясӧс колӧ канмусянь пасйыны (чужӧм, гӧтрасьӧм, юксьӧм, пи (ныв) пыдди босътӧм, батылун индӧм, ним вежӧм);

д) паспорт либӧ уполномочитӧм петкӧдлысьӧс эскӧдысь мукӧд документ да Россия Федерацияса оланпастэчас серти Шыӧдчысьӧс петкӧдлысьлысь уджмогъяс эскӧдысь документ (сэж, кор шыӧдчӧмсӧ сетӧ уполномочитӧм петкӧдлысь).

8. Шыӧдчӧм да содтӧм документъяс, кутшӧмъясӧс индӧма тайӧ Пӧрадоклӧн 7 пунктын, босътан лун бӧрын мунысь лунсянь 10 уджалан лун чӧжӧн олӧмӧ пӧртысь:

а) видлалӧ шыӧдчӧмсӧ да сы дорӧ содтӧм документъяссӧ;

б) примитӧ пеняяс индӧмысь мездӧм йылысь помшуӧм либӧ пеняяс индӧмысь мездӧмын ӧткажитӧм йылысь помшуӧм;

в) юӧртӧ Шыӧдчысьлы примитӧм помшуӧм йылысь сийӧс вайӧмсӧ эскӧдысь любӧй лӧсьыд ногӧн уведомление ыстӧмӧн.

9. Пеняяс индӧмысь мездӧмын ӧткажитӧм йылысь помшуӧм примитӧм вылӧ подулӧн лӧӧны:

а) Шыӧдчысь оз лӧсяв тайӧ Пӧрадоклӧн 3 пунктӧн урчитӧм йӧз категорияяслы;

б) абу сетӧма (абу тырвийӧ сетӧма) тайӧ Пӧрадоклӧн 7 пунктын индӧм документъяссӧ.

10. Олӧмӧ пӧртысь мездӧ пеняяс индӧмысь мобилизация серти военной служба вылӧ босътан да контракт кырымалан лунсянь контрактлӧн вына период вылӧ.

11. Контрактлӧн вына кадколаст помасян лун бӧрын мунысь лунсянь тӧлысья кадколаст чӧжӧн Шыӧдчысьяс либӧ найӧс уполномочитӧм петкӧдлысьяс гижӧмӧн либӧ оланӧн да коммунальной овмӧслӧн канму юӧртан системаӧн вӧдитчӧмӧн юӧртӧны олӧмӧ пӧртысьлы Россия Федерацияса Вооружённой Выньясын военной служба прӧйдитӧмсӧ помалӧм йылысь.

12. Россия Федерацияса Вооружённой Выньясын мобилизация серти военной служба прӧйдитӧмсӧ помалӧмкӧд йитӧдын пеняяс индӧмысь мездӧм йылысь либӧ татшӧм помшуӧмсӧ дугӧдӧм йылысь юӧрыс тыдалӧ лӧсялана оланӧн да коммунальной услугаысь, капиталнӧя дзоньталӧм вылӧ взносысь ӧчередной мынтысян документын (мынтысян документъясын).